

Léiwe Frënd vum Mierscher Folklor,

Wéi s du weess, war 2006 e grousst Joer fir eise Folklorgrupp. Mam Festival, dee mir hei zu Miersch organiséiert haten an der Rees a Polen, hate mir e volle Programm; wéi dëst och op eise Internetseite www.folklore-mersch.lu ze gesinn ass. Dëse Programm huet hoffentlech esou munch schéin Erënnerungen u Festivalen, Optrëtter oder och flott Reese bei dir erwächt.

Nodeems mir 2007 méi lues ugoe gelooss hu, wëlle mir fir 2008 erëm voll ugräifen an de lëtzebuenger Folklor souwuel hei am Land wéi och am Ausland nees weisen a verrieden.

Duerfir hu mir eis d'Fräiheet geholl dech, als Frënd vum Mierscher Folklor, unzeschreiwien.


Fir eis Projet'en esou gutt wéi méiglech duerchféieren ze kënnen, géinge mir gärén op d'äin dänzerecht, musekalescht oder organisatorescht Talent zréckgräifen fir eis flott, jonk an dynamesch Equipe ze ënnerstëtzen.

Wann Dat dech nees géing interesséieren, a wann s du Loscht drun häss fir matzemaachen, da wiere mir ganz frou, dech ab dem 27. September, all Donneschdeg, an der Schoul Nic. Welter (dem ale Festsall hannert der Kierch) an eiser Profu begréissen ze kënnen.

Fir weider Informatiounen zéck net fir bei eis nozefroen, entweder per E-mail vallee_des_sept_chateaux@culture.lu oder um Telefon 661 181176 (Sylvia Napoli).

Hoffentlech bis geschwënn

Groupe Folklorique



Vallée des Sept Châteaux

De Comité vu „Vallée des Sept Châteaux“

Musekstage

Fir d'3. Kéier schonn huet d'Mierscher Musek mat vill Succès e Museksstage fir seng jonk Musikanten am Alter tëschent 10 a 25 Joer organiséiert. Dëst Joer wore si vum 5.-9. September am Scoutschalet zu Kolmer-Bierg. Während deene puer ganz lëschtegen Deeg hunn si mam Sous-Chef vun der Musek, dem Guy KRAUS, an de Chargés de cours vun der Musekskursen e ganze Concertsprogramm ageprouft. Nieft deem ville Musizéieren ass awer och vill gespilt a geheckt ginn. Um gutt besichten Ofschlossconcert am Mierscher Kulturhaus hunn si och hir Ateliers presentéiert : ënnert der Direktioun vun Manu STOFFELS, hunn si nieft engem Canon och ee klasescht Wierk gesongen, an dat véierstëmmeg ! Ënnert der Leedung vun Luc NICKELS huet een si eng Melodie aus der Oper Carmen op Fläschen héire blosen. No 2 Zugaben ass du bei engem gesellege Patt nach bësse gepotert ginn a schonn um Museksstage vum nächste Joer geplangt ginn.

